



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Reginonis Abbatis Prumiensis Libri Duo De Ecclesiasticis Disciplinis & religione Christiana

Regino <Prumiensis>

Parisiis, 1671

211. De eadem re.

**urn:nbn:de:hbz:466:1-14622**

runt quidam Deo, angelis hospitio receptis,  
& Dominus in die iudicij dicturus est electis:

*Matth. 25. Hospes eram, & suscepistis me. Et Job dicit:  
Job. 31. Ostium meum semper viatori patuit.*

De aqua benedicta. *Ex epistola Alexandri  
Papae.*

Alexand. I.  
epist. 1. c. 5.  
RemediusCu-  
riensis c. 24.  
Burchard. lib.  
2. c. 53.  
Hebr. 2.

4. Reg. 2.

CCX. Aquam enim sale conspersam po-  
pulis benedicimus, ut ea cuncti adpersi san-  
ctificentur. quod & omnibus sacerdotibus fa-  
ciendum esse mandamus. Nam si cinis vitulae  
asperfus populum sanctificabat atque munda-  
bat, quanto magis aqua, quae sale aspersa di-  
vinisque precibus sacrata est, populum sancti-  
ficat atque mundat? Et si sale asperso per He-  
lisaum Prophetam sterilitas aquae sanata est,  
quanto magis divinis precibus sacrata aqua  
sterilitatem rerum aufert humanarum, & con-  
inquinatos sanctificat & purgat, & cetera bo-  
na multiplicat, & insidias diaboli avertit, & in-  
phantasmatum versutiis hominem defendit.

De eadem re. *Ex supradicto Concilio  
cap. v.*

Hincmar.  
ibid. c. 5.  
Burchard. lib.  
2. c. 52.

CCXI. Ut omni die dominico quisque  
Presbyter in sua Ecclesia ante Missarum sol-  
lemnia aquam benedictam faciat in vase ni-  
do & tanto mysterio convenienti, de qua po-  
pulus intrans Ecclesiam aspergatur; & qui ve-  
luerint, in vasculis suis accipiant ex ipsa, &  
per mansiones & agros & vineas, super peccata  
quoque sua, atque super pabula eorum, nec  
non super cibos & potum suum conspergant.



De Presbyteris qui culpas peccantium reticent vel minùs dignè pœnitentes ad reconciliationem adducunt. *Vnde suprâ.*

CCXII. Ut nemo Presbyterorum xenium vel quodcunque emolumentum temporale, immo detrimentum spiritale, à quocunque publicè peccante vel incestuoso accipiat ut Episcopo vel ministris ejus peccatum illius reticeat, nec pro respectu cujusque personæ aut consanguinitatis vel familiaritatis, alienis communicans peccatis, hoc Episcopo innotescere detrectet, nec à quoquam pœnitente aut gratia aut favore aut munus suscipere præsumat, aut minùs dignè pœnitentem ad reconciliationem adducat, & ei testimonium reconciliationis ferat, & quocunque livore alium quemlibet digniùs pœnitentem à reconciliatione removeat, quia hoc simoniacum & Deo & hominibus contrarium est. [*Vide Capitulare Riculfi Sueffion. cap. 9.*]

Hincmar.  
ibid. c. 13.  
Burchard. lib.  
19. c. 100.  
Liber Pœnitentialis apud Sievartium  
pag. 711.

*Ex Pœnitentiali.*

Qui reticuerit peccatum fratris quod est ad mortem, nec eum corripuerit, aut Ecclesiæ Dei ut emendetur dixerit, quandiu consensit, tandiu pœniteat.

Burchard lib.  
19. c. 123.

De Presbyteris qui à fidelibus ad prandium invitantur. *Vnde suprâ cap. XIV.*

CCXIII. Ut nullus Presbyterorum, quando ad anniversarium diem, trigesimum, aut septimum, vel tertium alicujus defuncti, aut quacunque vocatione ad collectam Pres-

Hinc n. ibid.  
c. 14.  
Burchard. lib.  
2. c. 161.